

史部·傳記類

蘭臺法鑒錄·南垣論世考

北京圖書館古籍珍本叢刊

16

書目文獻出版社

北京圖書館古籍珍本叢刊
史部·傳記類
16

編者 北京圖書館古籍出版編輯組
出版 書目文獻出版社

(北京文津街七號)

印刷 民航印刷廠

定價 捌拾圓

ISBN7-5013-0805-5/Z·76

目錄

蘭臺法鑒錄二十八卷

南垣論世考十四卷

五八七

蘭臺法鑒錄敘

蘭臺法鑒錄錄

明興御史曾遊中臺者以為言路

共法共鑒焉也萬曆前無錄歲

己丑御史扶溝何君名出始草初

之唐山陳君名登長洲徐君名申相

與搜羅之安邑陳君名遇貴溪畢

君名三輩又潤色之迄丁酉錄成

且剗剗告峻乃問敘于我固以

嘗官御史不以漁樵棄也回首

青驄忍委藥石竊謂今天下端

冕之士立殿陛之間得可否

朝政而出其言以佐太平者御史

是也是故在朝言朝用其言而

廊廟澄清在野言野用其言而

海隅澄清治平氣象豈不賴之

是謂御史職舉夫固御史責也

顧其奏績最難遜志逆志其難

在君一毀一譽其難在衆作好

作惡其難在民御史當言路之

責立上下之間欲其一出言而

人罔不歸于正也嗚呼難哉我

明二百四十年来業此官者無慮

三千餘矣當其時面折廷爭以

悟主者有之忠言讜論以觸奸

者有之嘉謀嘉猷以裨國者有

之

祖宗用之以致太平其不善言

者反此夫邪正品格原無兩性
義利關頭總由一錯識其正而
動罔不減法鑒可無錄也乃今
錄中所紀正色立朝者天下後
世相與山斗之身沒而名不沒
焉枉道徇人者天下後世相與
羽毛之身榮而名未榮焉非人
之好惡爾殊也自取之也夫三
萬六千此身若駒隙耳妄冀一
朝之利達甘棄萬年之人品而
衆正進退一家榮辱一國安危
胥付之不問無論十指十視即
孝慈孫子百世難改其初止趨
避片念錯也嗚呼法鑒錄者是

果可已乎哉嘗聞之天下國家
之本在心官御史者持必不欺
已之心堅必不隨時之行而此
心先歸于正可予可奪而不敢
昧德違之匡可貧可賤而不敢
蹈鷹犬之圖可通可塞而不敢
忘蒼赤之慮言路政績庶幾其
克正乎如是御史重蘭臺重
宗社重而不有譽于天下後世者
未之前聞也法鑒之本似不外
此敬書錄端以就正于忠愛之
有實心者
賜進士資政大夫太子少保吏部
尚書侍

經筵前兩京都察院掌院左右都

御史兩京巡按京畿道掌道監

察御史在告鎬京立山孫丕揚

撰

蘭臺法鑒錄序

御史自古稱清要雄俊而責任

重大政務繁難亦最勞極苦而

莫與京也蓋百司庶府僅各修

一職惟御史入則耳目

九重出則澄清四海天下事無不

當問無不得言

聖天子端拱穆清而能知百官之

忠邪萬方之利病賴有此耳不

則輦轂之下奸雄竊發而不及

知畿甸之外貪吏日取人之金

戕人之命而莫之禁遠人咨嗟

飲泣無所控訴仰而呼天者不

知幾何至馳驅鞅掌從事獨賢

平居影與形隨臨事口與心謀
又他官所無而御史所獨有也
故

國家定制必選部寺之英郡縣之
良老成練達力有擔當者始授
俟有勞績兩考而擢京堂不暮
月而簡開府年例則一歲而兩
轉方面誠重之也

歷朝以來諸事必委任藉力名卿
碩輔多由是出故人以蘭臺為
華顧各道祇有題名未有萃而
為錄者萬曆己丑歲扶溝中冢
何君代狩恒山創為法鑒一書
癸巳唐山南濱陳君姑蘇文江

徐君復加搜稽補其闕畧乙未
淄川東濱高君彙輯刪訂付之
剞劂僅完十三丙申安邑岐岡
陳君詳加校閱力督成事迄丁
酉始告竣焉維時余總漕淮上
臺長陳岐岡黃芳楠高東濱喬
聚所連少嵩周韜宇暨代巡徐
鏡源李岺嶠劉清源汪頤所畢
印石况重初諸君以余曾厠西
臺走使貽書欲一言以弁諸簡
余讀之卒業自洪武迄今上下
二百三十年登是錄者四千一
十人有奇內有起家執法改翰
林掌銓曹晉殿閣封伯爵者若

而人歟歷各藩輔佐

列聖陟卿貳位公孤者若而人秉
鉞南北持斧邊海禦虜征倭平
蠻討叛安攘戡定海內倚以為
重屢歷端揆樞要澤被生民勛
施

社稷者若而人死節靖難土木交

趾征苗者若而人諫諍北狩南
幸大禮大獄一時貶逐卒致通
顯者若而人糾劾逆豎權相稱
旨超拜京堂矯詔遠竄惡地始
雖遣戍拷訊終復原官贈廕者
若而人雖成敗利鈍不同而言
聽諫行功成名遂與犯顏敢諫

仗節死義有光於蘭臺一也

有嚴刻被鵠慘酷自經通謀罪
宗排陷大臣黨附權奸拷誣忠
直始雖寵倖終取戮辱者若而
人雖折廢茹吐不同而陰賊險
狠與巽懦畏避有忝於蘭臺一
也褒僅片言派芳百世貶止數

字遺臭萬年真後進之法程士

林之炯鑒也諸君相繼纂述有
裨於風紀豈淺鮮哉然愚聞先
儒羅氏有言士之立朝以正直
忠厚為本一於正直而不忠厚
則入於刻一於忠厚而不正直
則入於懦故御史必兼此二者

則言滿天下無口過行滿天下
無怨惡有陳善閉邪之忠不失
之激有揚清激濁之公不失之
濫有振綱肅紀之貞不失之擾
有明刑弼教之慎不失之縱有
摘伏發奸之明不失之苛有鋤
強戢暴之勇不失之猛雖每事
風裁獨持而整齊嚴肅之中常
寓成就安全之意故能建光明
峻偉之業生則享大名顯當時
沒則垂休光照後世可與古良
臣爭烈矣不然而倚勢作威阿
時取容與沽名保祿者等耳又
何足錄之有餘故述其大畧又

舉其大端以告於執法者

皆

萬曆二十五年歲次丁酉秋八

月吉旦

賜進士第資政大夫太子少保戶

部尚書兼都察院右副都御史

奉

勅總督漕運提督軍務巡撫鳳陽

等處地方前都察院右都御史

總督倉場左僉都御史協理院

事右僉都御史巡撫河南四川

道監察御史巡按陝西河南提

督南直隸學校晉陽愛所褚鈇

撰

宮保

續刻蘭臺法鑒序

臺省爲

朝廷耳目而臺中之耳目尤廣且
核蓋宇內之人品政事議論無
不屬巡方者之所採凡夫貞邪
淑慝必灼然於繡衣使者因以
灼然於

朝廷此耳目之稱所繇來也第巡
方者能執人品政事議論明辨
貞邪淑慝作

朝廷之耳目而巡方者之人品政
事議論

朝廷亦得耳而目之以昭勸懲其
貞邪淑慝不獨不可掩匿且世

世罔可掩匿焉清途騁軌百世

流馨濁徑恣行千秋播穢以故

簪筆持斧之彥比肩接踵爭效

引裾埋輪而耻同轅駒伏馬則

法鑒一書裨益班行良不淺耳

不肖忝僻長西蜀比髮甫燥聞之

先大夫庭訓以家乘已知先司

寇曾大父汝礪公繇銅陵臨海

令選授福建道執法不撓著聲

中臺爲名御史終

世廟朝有天下第一清官之譽迨

恂倖徼一第獲起家柏人廣阿

二邑從諸憲長後糾考政刑日

夕下殿給偶披然牒親見先曾

大父歷履詳載法鑒錄中與諸

前賢後先掩映不肖追憶前聞悚

然念家聲孔彰隕越是懼敢不

敏敏乃職求無玷諸前賢以無

墜我先人令緒惟是法法相禪

鑒鑒相引寔賴有此錄之存乃

自萬曆庚戌以迄於茲曠焉未

續甚非所以明徵故實彰示方

來也矧今

上龍飛鼎造振起鴻摹舉措興革

直與古先

聖王媲美彼向來人品政事議論

貞邪淑慝一歸大定而我臺

弼明先業勸翼芳猷者代罔

乏夫既表表一時猶聽其湮沒

漸滅寧不重負

中興盛際乎恊敢不揣菲薄勉圖

續刻雖初謀弗久幸蒐羅考訂

卒鮮鹵莽計年凡二十有一共

人三百有奇里籍科目歷任顛

末備如故例庶幾覽是錄者世

運官常開卷灼然在目而戢躬

澄念秉貞祛邪有淑無慝各求

不忝先哲以仰副

朝廷耳目之稱恊亦與藉榮施因

為敘述數言弁之集端以誌成

事

昔

崇禎四年歲次辛未孟夏吉旦
賜進士第文林郎掌河南道事監
察御史東蜀昌元喻思恂書于
領袖臺班之署



蘭臺法鑒錄

前序

五

蘭臺法鑒錄卷之一
洪武朝 計二百八十人

黃麟	王禮	曾鳳韶	劉榮
聶任	范敦先	林剛	姚名善
甄堅	王懋	王原深	許顯
王思湛	王佑	魯暹	賈統
劉履節	劉奉王	周革	何廣
蕭良	將貞	曾銳	胡璉
徐敬	吳伯器	田祿	楊約
劉昇	關智	龍韜	蕭敏
謝志道	鄒堯臣	鄧敬	蘭輔
張恂	程瑤	李遜	劉質
趙彥	陳鼎	羅安義	董翔
王敏	李蘊	龐永華	邢政
劉本	宋江	石友賢	劉達
王平	張德	王振	馬煥
趙昇	馬貫	唐耕	樊鎮
時銘	陳大通	羅德彰	王惟德
張定	于潛	李顯	鄧則良
趙崇	米堅	郭祐	郭納
張愷	張惟中	邵實	辛彥博
賈正儀	王忠孝	徐添禮	郭斌
謝恭	張隆	高宗壽	徐倫
潘定	于尚志	鄭道	陳德

徐演	易忠	丘寧甫	陸慎
張質	何友諒	鄒思顏	賀裕
趙仕安	彭修	徐友仁	宋翊
黃濟	金惟一	王時中	鄭公智
唐琛	陸演	郭英	李琦
謝敬	黃采	南貴	劉祿
練則成	顏勝	臧善	劉文
楊微	史仲成	夏長文	馬可俊
毛節	李著	桑慎	紀綱
張孟傳	沈紹先	單忠順	朱恭
任輝	傅霖	婁觀	蔡瑛
汪仲敏	成章	孫坪	何志賢
霍復禮	李輅	鄧志洪	黃惟一
宮準	鄭則良	王度	王英
廉秀	徐道正	毛中	李偉
王文璧	周幹	張敏德	鍾量
許丙	王渥	周文	零洵
何同	李傑	路車	湯鴈
睢淵	陸疇	師達	劉政
張應奎	茹太素	簡迪	胡延碩
唐鐸	常賜	袁凱	丁節
游志遜	張謙	牛刀	劉穀
李樂	賈敏中	程輝	黎允
康永紹	施君裕	郭麟	劉宗貴

楊	楊	趙	孫	李	李	劉	溫	李	閻	于	趙	張	李	鄧	郭	羅	李	程	陸	焦	范	張	曹	唐
振	振	伏	壁	嘉	應	本	珪	壽	信	中	祖	益	文	曇	文	性	伯	以	載	勝	原	禮	鑑	唐
理	理	振	任	徐	王	王	張	王	趙	曹	王	李	陳	張	馬	黃	張	徐	徐	魏	張	陳	鄭	唐
遠	遠	何	萬	成	王	李	高	王	連	伍	李	盧	墨	劉	雷	張	魏	彭	張	郭	王	葛	林	唐
志	志	弘	宗	瓊	進	遶	翼	進	楹	弘	英	英	麟	忠	鳴	蕭	卓	汝	凝	祥	朴	桓	宗	唐
林	林	呂	宋	韓	雷	韓	邨	雷	李	維	黃	黃	屈	胡	高	劉	陳	甘	夏	龐	王	李	右	劉
惟	惟	讓	忠	倉	澤	諒	伯	澤	公	宗	著	庸	伸	恪	光	遜	述	泉	雲	清	遜	哲	嶽	翼

黃庶

字文昭江西樂安縣人洪武初由秀才除
川道御史

王禮

字山東朝城縣人洪武初由進士除江
西道御史

曾鳳韶

字江西廬陵縣人洪武初進士建文時
為直殿御史

劉榮

字伯榮江西餘干縣人洪武初進士由庶吉
士授道御史

聶任

字江西南城縣人洪武初進士由咸寧
知縣選福建道御史

范敬先

字江西新建縣人洪武初進士除
道御史嘗指陳闕失過切上怒磔之市磔

者已批其兩乳敬先曰姑止吾有詩獻詩云剗人呵叱
廟廊器聖主磨礪梁棟材上亟命釋之後謫趙府
辛

林副

字天應福建同安縣人洪武初舉人由
知縣選廣西道御史

姚名善

字克修湖廣臨湘縣人洪武初貢士除
道御史永樂定鼎燕京漕運未通名善倡議
上命同平江伯築鑿功成進五品服俸

甄堅

字直隸曲陽縣人洪武初由明經除廣東道御史

王懋

字直隸衡水縣人洪武初由貢士除浙江道御史

王原深

字江西安福縣人洪武初由薦辟除浙江道御史

許顯

字伯昂直隸高邑縣人洪武初以人才召對稱肯除江西道御史

王思湛

字江西安福縣人洪武初由薦辟除川道御史抗直死職

王佑

字江西泰和縣人洪武初由數官除廣西道御史陞四川僉事調崇慶知州致仕

魯暹

字山西芮城縣人洪武初由明經除山東道御史陞湖廣僉事

賈統

字山西定襄縣人洪武初由辟舉除貴州道御史陞陝西僉事

劉履節

字[]江西安福縣人洪武初由[]辟除山
東道御史巡按交趾遇難不屈歿

劉奉玉

字元美河南虞城縣人洪武初由明經徵舉
除浙江道御史

周革

字[]江西上饒縣人洪武初由舉人除河
南道御史

何廣

字公遠直隸華亭縣人洪武初由[]知縣
選[]道御史累陞陝西副使

蕭良

字[]江西寧州人洪武初由[]知縣選
浙江道御史巡江陞陝西副使致仕

游貞

字惟一直隸晉州人洪武初貢士除山西道
御史巡按宣大卒

曾銑

字[]直隸江都縣人洪武初由長樂知縣
選河南道御史陞大理寺丞累陞總督三邊
右副都御史入為兵部侍郎卒贈本部尚書蔭子

胡璉

字[]江西安義縣人洪武初由貢士除浙
江道御史陞山東副使致仕